



Broj: 01-GV-02-476-1/21
Datum, 26.05.2021. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Prvoj sjednici Gradskog vijeća Grada Sarajeva, održanoj 26.05.2021. godine, **gradska vijećnica Danijela Šahat** je, u ime Kluba gradskih vijećnika „Narod i Pravda“, uputila **inicijativu** da Gradsko vijeće donese sljedeće zaključke.

1. “Zadužuje se Gradonačelnica da angažira kompetentnu i nezavisnu revizorsku kuću da izvrši reviziju finansijskih izvještaja Grada Sarajeva za period mandata organa Grada Sarajeva 2016- 2020. godina, u najkraćem mogućem roku.

Cilj revizije je davanje mišljenja revizora o tome da li su finansijski izvještaji za taj period sačinjeni u skladu s utvrđenim okvirom finansijskog izvještavanja i da li daju istinit i fer prikaz stanja i poslovanja u Gradu Sarajevu.

Cilj revizije je da se utvrdi da li su izvršene transakcije u skladu s relevantnim zakonima i propisima i da li su sredstva korištena u skladu s odgovarajućom namjenom.

Cilj revizije je utvrđivanje utrošenih sredstava u tom periodu, s osvrtom na investicione i druge značajne projekte Grada Sarajeva, a posebno one koji su završeni neposredno pred početak ovog mandata ili se nastavljaju u aktuelnom mandatu Grada Sarajeva.

2. Po dobivanju revizorskog izvještaja, Gradonačelnica će dostaviti Gradskom vijeću izvještaj o izvršenoj reviziji, s prijedlogom mjera i aktivnosti, koje će usmjeriti organe Grada Sarajeva dostizanju veće demokratizacije i jačanju javne odgovornosti prema trošenju novca poreskih obveznika Grada Sarajeva”,

a koja je u prilogu ovog akta.

Gradsko vijeće je podržalo podnesenu inicijativu, te je ona postala inicijativom Gradskog vijeća.

PREDSJEDAJUĆI GRADSKOG VIJEĆA

Jasmin Ademović, s.r.

Dostaviti:

- Gradonačelnici,
- Evidenciji,
- a/a.



GRADSKO VIJEĆE GRADA SARAJEVO
n/r Jasmin Ademović, predsjedavajući GV

Bosna i Hercegovina - Federacija Bosna i Hercegovina
Kanton Sarajevo - GRAD SARAJEVO
GRADSKO VIJEĆE

Predmet: Inicijativa, dostavlja se

Poštovani gosp. Ademović,

PRIMLJENO: 19 MAY 2021			
Org. jed.	Broj	Pri	Učitat
01-GV-04-476/21			

Na osnovu člana 19. Poslovnika Gradskog vijeća („Službene novine Kantona Sarajevo“, broj 34/08, podnosimo Gradskom vijeću inicijativu da Gradsko vijeće donese sljedeće zaključke:

1. Zadužuje se Gradonačelnica da angažira kompetentnu i nezavisnu revizorsku kuću da izvrši reviziju finansijskih izvještaja Grada Sarajeva za period mandata organa Grada Sarajeva 2016-2020 godina, u najkraćem mogućem roku.
Cilj revizije je davanje mišljenja revizora tome da li su finansijski izvještaji za taj period sačinjeni u skladu s utvrđenim okvirom finansijskog izvještavanja i da li daju istinit i fer prikaz stanja i poslovanja u Gradu Sarajevu.
Cilj revizije je da se utvrdi da li su izvršene transakcije u skladu s relevantnim zakonima i propisima i da li su sredstva korištena u skladu s odgovarajućom namjenom.
Cilj revizije je utvrđivanje utrošenih sredstava u tom periodu, s osvrtom na investicione i druge značajne projekte Grada Sarajeva, a posebno one koji su završeni neposredno pred početak ovog mandata ili se nastavljaju u aktuelnom mandatu Grada Sarajeva.
2. Po dobivanju revizorskog izvještaja, Gradonačelnica će dostaviti Gradskom vijeću izvještaj o izvršenoj reviziji, sa prijedlogom mjera i aktivnosti, koje će usmjeriti organe Grada Sarajeva dostizanju veće demokratizacije i jačanju javne odgovornosti prema trošenju novca poreskih obveznika Grada Sarajeva.

Obrazloženje

Ovakva revizija ima za cilj stvaranje oslonca Gradonačelnici za dalje postupanje pri predlaganju i izvršavanju Budžeta Grada Sarajeva, odnosno Gradskom vijeću pri usvajanju godišnjih budžeta Grada Sarajeva i izvještaja o njihovom izvršavanju, a sve u okviru budućeg plana razvoja Grada Sarajeva, te plana rada organa Grada Sarajeva.

Pored rezultata revizije o finansijskim izvještajima Gradonačelnika za protekle četiri godine, očekuje se i mišljenje revizora o uspješnosti angažiranja finansijskih sredstava u pružanju javnih usluga, što bi mogao biti bitan oslonac u daljem radu organa Grada Sarajeva.

Od revizorskog izvještaja očekujemo da jasno i precizno pokaže informacije i podatke na koji se način koristio javni novac Grada Sarajeva, da li su sredstva budžeta korištena u skladu sa namjenom, te da li su postignuti rezultati zbog kojih je taj novac i potrošen.

Revizorski izvještaj bi, između ostalog, trebao dati odgovore na pitanja o tome je li korišten novac s kojim je Grad Sarajevo u određenom vremenu stvarno i raspolagao, da li sredstva pravilno vrednovana, da li su transakcije odobrene i zasnovane na validnoj dokumentaciji, da li su utrošena

sredstva pravilno prikazana u finansijskim izvještajima, da li su transakcije zasnovane na zakonima i drugim važećim propisima, te da li su sredstva korištena u skladu s njihovom namjenom i sl.

Od revizorskog izvještaja se očekuje i revizija učinka, dakle, revizija ekonomičnosti upravnih aktivnosti, saglasno značenjima upravnih principa i prakse, te politikama uprave, revizija uspješnosti korištenja finansijskih, ljudskih i drugih resursa, uključujući ispitivanje informacionih sistema, mjera uspjeha, te kontrolnih i drugih postupaka za koje se vrši revizija, a radi otklanjanja uočenih nedostataka u budućem radu.

Posebno se očekuje revizija uspješnosti u odnosu na postignute ciljeve Grada Sarajeva, te revizija ostvarenih aktivnosti u poređenju s planiranim.

Klub gradskih vijećnika NiP